



Nuuk, d. 5. februar 2015

Inatsisartut suleriaasianni § 37 naapertorlugu Naalakkersuisunut imaattunik apeqquteqarpunga:

**KNR-ip tugasassiorfittut innuttaasunik kiffartuussisussatut naammassisaqarnissamut isumaqatigiissummut Naalakkersuisunut apeqqutit:**

**1: KNR-ip tugasassiorfittut innuttaasunik kiffartuussisussatut naammassisaqarnissamut isumaqatigiissutaa Naalakkersuisunit qaqugu saqqummiunneqarsinnaava?**

**2: 2014-mut aningaasanut inatsimmi paasissutissiissutigineqarpoq KNR-ip Naalakkersuisullu akornanni tugasassiorfittut innuttaasunik kiffartuussisussatut naammassisaqarnissamut isumaqatigiissutaa 1. januar 2013 - 31. december 2016-ip tungaanut atuuttusaaq isumaqatigiissutigineqarsimasooq, tassanilu KNR-ip aallakaatitsinissaanut akunnerit atugassat minnerpaaffilerneqarsimasut. Isumaqatigiissusiortoqarsimangippat sooq taamatut paasissutissiisoqarpa?**

**3: Tugasassiorfittut innuttaasunik kiffartuussisussatut naammassisaqarnissamut isumaqatigiissutip atuutinnginnerani KNR-i isumaqatigiissut kingulleq naapertorlugu pisussaaffilerneqarnermigut aallakaatitassiatigut suliasaminik naammassinnissimava?**

**4: Tugasassiorfittut innuttaasunik kiffartuussisussatut naammassisaqarnissamut isumaqatigiissut amigaatigineqartoq Nunap karsianut sunniuteqassava (iml. sunniuteqarsimassava?) Taamaassimappat sutigut?**

**5: Tugasassiorfittut innuttaasunik kiffartuussisussatut naammassisaqarnissamut isumaqatigiissut amigaatigineqartoq KNR-ip aningaasaqarneranut sunniuteqassava (iml. sunniuteqarsimassava?) Taamaassimappat sutigut?**

(Inatsisartuni ilaasortaq, Mimi Karlsen, Inuit Ataqatigiit)

### **Tungavilersuut:**

Naalakkersuisut KNR-lu ukiut sisamakkaartumik tugasassiorfittut innuttaasunik kiffartuussisussatut atatilugu naammassisaqarnissamut isumaqatigiissuteqartarput,

tassanilu KNR-ip innuttaasunik kiffartuussisussatut suliassaasa annertussusissaannut qanorlu ittuunissaannut pisussaaffiit aalajangersorneqartarput. Tamanna radiukkut tv-kkullu aallakaatitsisarneq pillugu Inatsisartut inatsisaanni § 28-mi aalajangersarneqartarpoq.

2014-imut aningaasanut inatsimmi aningaasartuutissanut nassuiaatini Kalaallit Nunaata Radioanut – KNR, konto pingaarneq 40.94.17 naapertorlugu paasissutissiissutigineqarpoq KNR-ip Naalackersuisullu akornanni tugasassiorfittut innuttaasunik kiffartuussisussatut naammassisaqarnissamut isumaqatigiissutaa 1. januar 2013 - 31. december 2016-ip tungaanut atuuttusaq isumaqatigiissutigineqarsimasoq, tassanilu KNR-ip aallakaatitsinissanut akunnerit minnerpaaffilerneqarsimasut.

Piffissamili 2013-miit 2016-imut KNR-ip Naalackersuisullu akornanni tugasassiorfittut innuttaasunik kiffartuussisussatut naammassisaqarnissamut isumaqatigiissutaa kinguneqanngitsumik ujarsimavara. Tusagassiorfiit paasissutissiinerat naapertorlugu tugasassiorfittut innuttaasunik kiffartuussisussatut naammassisaqarnissamut isumaqatigiissut 2012-ip naaneranut killeqarsimavoq. Taamaasillunilu maanna ukiut pingajussaanni KNR inatsisitigoortumik innuttaasunik kiffartuussisussatut naammassisaqarnissamut isumaqatigiissuteqarani ingerlasimavoq.

Ullut suliffiusut qulit iluanni apeqqutit tamakkerlutik akineqarnissaat qinnutigissavara.